



故宮珍本叢刊

平定準噶爾方略

第三冊 共七冊

故宮博物院編 海南出版社

故宮珍本叢刊第 049 冊清代征戰方略

故宮博物院編

平定準噶爾方略

第三冊（共七冊）

海南出版社

圖書在版編目(CIP)數據

親征平定朔漠方略/(清)溫達等纂. -影印本. -海口:海南出版社,2000.6
(故宮珍本叢刊)

本書與“御製親征朔漠紀略/(清)聖祖撰”等13種書合訂

ISBN 7-80645-665-1

I.親… II.溫… III.戰爭史-史料-中國-清代 IV.Z121.7

中國版本圖書館 CIP 數據核字(1999)第 68753 號

故宮珍本叢刊第 049 冊

清代征戰方略

平定準噶爾方略

第三冊(共七冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:26.25 印數:1-400 冊

ISBN 7-80645-665-1/Z·14

定價:2650 元(清代征戰方略 14 種共 15 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

平定準噶爾方略正編卷之一

乾隆十八年冬十一月甲戌。

定邊左副將軍成衮扎布奏報準噶爾都爾伯特台吉策凌及策凌烏巴什等率部衆三千餘戶來降。

成衮扎布奏言據防守烏里雅蘇台參贊大臣

副都統達青阿報十一月初九日卡倫章京秦

平定準噶爾方略正編卷之一

一

布等文稱有厄魯特巴顏克什克都圖爾噶前

來求見。詢係都爾伯特台吉策凌與策凌烏巴

什所遣。因達瓦齊自立後與小策零敦多卜之

孫。訥默庫濟爾噶爾。連歲構兵。俱派令率衆相

助。策凌等惶惑。莫知所從。因相與計議。投誠

天朝。以求永遠生聚。於十月二十一日由伊犁河起

行率部衆三千餘戶來至卡倫。今台吉策凌已

至博東齊河。其策凌烏巴什隨後亦至經卡倫

侍衛布雲布並左右卡倫章京齊克慎等與來

使夜至博東齊河。復遇厄魯特賽奈達什博貝

等三人。稱係台吉策凌等所遣。因策凌等率同

來戶口。前赴額克阿喇勒淖爾暫時駐歇。特留

三人。候巴顏克什克都圖爾噶回歸。同往報知。

布雲布等遂與同行。約十里餘見途中老弱男

平定準噶爾方略正編卷之一

二

婦疲乏馬駝及牛羊甚夥。據稱即係續到之人。

察其投降情形屬實。因不便遠離卡倫。即回至

本處各帶兵丁巡查。達青阿聞報即派侍衛蒙

固勒等前赴塔卜海布拉克托爾和烏蘭布延

圖哈瑪爾沙扎海等處卡倫徧傳。務令小心防

範。又派公米什克等帶兵二百名。前赴卓克索

偵探。但策凌等既在額克阿喇勒淖爾暫歇。去

卡倫甚近恐達瓦齊遣兵來追。似應令其進卡
 在扎卜堪珠爾庫珠等處居住。或追兵到卡應
 飭卡倫侍衛等以從前定界並無不留降人之
 約。曉示阻止。臣等伏思策凌等歸命投誠情形
 雖確。然準夷追逐自宜預防。其達青阿所呈已
 飭令辦理。復令副將軍貝勒策登扎卜將派備
 之兵保護游牧。又就近將賽音諾顏部落及圖

平定準噶爾方略正編卷之一

三

謝圖汗部落所備之兵。共派出一千名。令副將
 軍公格勒克巴木丕勒與扎薩克鎮國公恭格
 敦丹及巴圖孟克等帶往烏里雅蘇台駐防接
 應。奏入。

上諭軍機大臣曰。定邊左副將軍成袞扎布等奏報
 準噶爾都爾伯特台吉策凌策凌烏巴什等率所
 部三千餘戶來降。暫駐於額克阿喇勒遣使相聞。

已將軍營預備各游牧之兵。調遣防範。朕觀策凌
 等來降似非叵測。何也。達瓦齊與訥默庫濟爾噶
 爾構兵不已。俱令策凌等相助。兩家勝敗既難預
 定。即幸而所從者勝。亦仍受其約束。自不若歸降
 大國冀得安生。伊等既經來至卡倫。將情事實告。
 應即令其入內休息。可速傳諭成袞扎布。即遣軍
 營明白歷練大員前往曉諭。告以爾等率眾投誠

平定準噶爾方略正編卷之一

四

業經奏聞大皇帝。大皇帝念爾等俱準噶爾台吉
 大員。率領部眾輸誠向化。甚可嘉憫。今所駐額克
 阿喇勒乃我卡倫外地。倘有追兵至此。未便應援。
 或有所失。朕心深為不忍。即可移入卡倫駐劄。今
 冬將軍成袞扎布來京。伊等自必懇求赴京瞻仰
 朕躬。即將策凌策凌烏巴什及其頭目酌帶數人
 同來。從前準噶爾台吉阿喇卜坦丹濟拉等投誠

俱封以顯爵。優加賞賚。其宰桑及部落人等皆授官分產。至今安居樂業。伊等入見後朕自格外加恩。此時先令成衮扎布動用官項牛羊賞給伊等以爲接濟。其駐牧處所另行酌定。至準噶爾素稱狡詐。固宜派兵防範。但伊等天性好疑。亦不可啟其猜嫌。倘策凌等願留卡外居住。我雖預備無庸宣露。若已入卡倫則更無可疑。不須過爲防範。今特遣侍郎玉保馳驛前往。并加恩將朕所用元狐帽賞給策凌策凌烏巴什各一頂。端罩各一件。成衮扎布可卽遵旨辦理。

臣等謹案都爾伯特台吉策凌策凌烏巴什等率領部衆輪忱効順。其時準夷內外交訌。時勢已屬瞭然。將軍等未能深悉情形。猶議調兵防範。我

平定運籌略正編卷一

五

皇上於甫經奏到。卽燭其向化之誠。傳諭移入卡倫。資之游牧。封爵賞賚。備沐

渥恩。厥後阿睦爾撒納內面來歸。軍前大臣復議令將兵壯屯駐軍營。而移其妻子於戈壁之內。措置尤爲未協。屢蒙

嚴旨切責。籌辦悉協機宜。蓋以新附之人。心懷疑慮。非坦然示以大公。旣無以示無外之模。亦難

以收羣策之力也。自是聞風請命。絡繹偕來。舉數十萬窮蹙無歸之人。咸出水火而登衽席。其感激圖報。踴躍從戎。固不待領兵深入。而地勢之險要。人情之向背。無一不批郤導窾。赴會投時。皆仰賴

聖主如天覆疇之恩。有以潛運密移於不覺。孰謂遐荒異域。獨不可以信孚而誠感哉。

平定運籌略正編卷一

六

丙子。

定邊左副將軍成袞扎布奏報策凌烏巴什等移入卡倫賞給安置事宜。

成袞扎布奏言據達青阿報藍翎侍衛布雲布等文稱十一月十一日巴顏珠爾克卡倫章京秦布來告稱厄魯特策凌烏巴什在博東齊河遣使相聞因卽時起程前至其地策凌烏巴什

出迎先跪請

平定準噶爾方略正編卷一

七

大皇帝萬安並告稱我兄策凌前赴伊蘭僧庫爾因其地險阻雪大難行今將部衆暫分欲進巴顏珠爾克博托和尼卡倫居住當卽告知伊等前蒙將軍傳示準噶爾部人若大隊來歸令其於卡倫外候信若欲入卡亦令暫駐僻處候示辦理據策凌烏巴什告云我等理應在卡倫外候

信。但天寒雪大。倘有追兵前來疲乏不能行走。

請得入卡無論何處俱可靜候於十二日黎明策凌烏巴什卽移至卡倫前博爾濟河駐歇其所領一千二百戶人丁牲畜一時難以查察惟詢明台吉策凌烏巴什及其母妻子女年歲俟策凌到後再行詳查因公同酌議安插於內卡外庫卜克爾之地并請將軍臺米石一百餘斛

平定準噶爾方略正編卷一

八

及就近奏辦牛羊給發接濟臣等前於八月初四日哨獲自準夷脫出之蒙古額楞達什告稱台吉策凌有來降之信曾經奏請遵照乾隆十六年

諭旨以降人若求入卡倫自可加恩接濟今策凌等來降屬實恐有追兵自應防範已劄行達青阿與副將軍格勒克巴木丕勒帶兵一千名輕裝

前赴扎卜堪等處駐劄給與一月糧餉仍俟策凌等到日詢問酌量派遣入京至給發接濟口糧牛羊應俟伊等人數全到再為辦理。

成衮扎布又奏言據達青阿報藍翎侍衛布雲布等告稱十一月十三日厄魯特策凌率其妻子部落前至卡倫合計策凌烏巴什同來部眾共三千一百七十七戶台吉五員喇嘛二百九十三名同來滿洲漢人共五十名所攜馬駝牛羊頗多已派協理台吉朗衮扎卜侍衛敦多卜撫慰伊等歸命

天朝情殊可憫并著朗衮扎卜將同來滿洲內酌帶數人先回有陸續投誠者倘已疲乏難行即給與口糧令其歸入部落并通飭三十三卡倫等語臣等伏思準夷內亂台吉策凌等歸誠

平定漢蒙方略正編卷之二

九

聖主自當預籌接濟應請酌派四部落牲畜令達青阿交與策凌等酌量賞給此時正值天寒暫令在烏里雅蘇台度歲俟春和雪化從容移至呼倫貝爾等處游牧居住奏入

上諭軍機大臣曰據成衮扎布奏台吉策凌策凌烏巴什已入卡倫朕昨遣玉保撫慰此時尚不能到觀伊等急求入卡其誠心愈益可見著傳諭成衮扎布令其即派大員接應至來降之台吉自宜暫緩來京約束部眾先將伊等大員輕騎減從帶領前來其餘仍遵朕前旨行

平定漢蒙方略正編卷之二

十

十二月丙戌命傳諭降人未經出痘者不必來京上諭軍機大臣曰朕昨遣侍郎玉保往諭策凌等今思伊等曾否出痘之處未經諭及可傳諭成衮扎

布。俟策凌策凌烏巴什到軍營時。卽行傳諭。伊等遠來歸誠。必急於瞻仰朕躬。但蒙古部落中未經出痘者甚多。京城氣候與邊塞不同。伊等到此卽傷一僕從。朕心亦爲不忍。著將伊等及所部詳悉詢明。曾否出痘。再行酌量同來。不可忽略。况明年夏令朕巡幸熱河。其地較京城涼爽。若今冬未得前來。將來自可於彼處瞻仰。更與人京無異。斷勿

平定準噶爾方略正編卷之二

十一

汲汲赴京。轉負朕矜恤之意。將此明白曉示。至伊等現駐烏里雅蘇台。俟來年移居呼倫貝爾。一應事宜。著成衮扎布來京之日。會同軍機大臣定議具奏。

丁亥。

定邊左副將軍成衮扎布奏報策凌等進獻馬

匹並言語情形。

成衮扎布奏言達青阿報十一月二十三日投誠台吉策凌率台吉塞卜騰班珠爾宰桑美諾克瑪什等及策凌烏巴什所屬宰桑巴圖哈什哈桑阿扎卜得木齊巴顏克什克等并隨從三十餘人。望

闕跪請

皇上萬安。告稱我等台吉宰桑備馬十二匹。恭進

平定準噶爾方略正編卷之二

十一

大皇帝。又同來滿洲蒙古漢人共一百名。理合報出。遂同策凌等列坐。告以我

朝定制。扎薩克以上王貝勒貝子公等始得進貢皇上。以下官員。並無獻馬之例。念爾等遠人。誠心歸順。自當代爲奏明。並詢明策凌爲都爾伯特台吉錫第之子。策凌烏巴什爲達賴泰什之子。原係一姓。今已疎遠。因達瓦齊自立後與訥默庫

濟爾噶爾爭鬪。俱調遣伊等相助。是以歸誠。

聖主求得安生。於本年十月二十一日。由額爾齊斯

河起程。沿途並無追兵。亦未遇風雪。惟在準噶

爾東界之烏蘭嶺。烏英齊博東齊等處。掠取牲

畜而來。又問策凌等。如有追兵來時。從何取道。

應有何人統率。據稱現在伊等攻戰之際。未必

得暇來追。倘有追兵。惟噶爾藏多爾濟尚有兵

平定准噶爾略正編卷一

三

萬餘。或能前來。但我等來路水草俱盡。或從科

卜多布延圖卓克索一路而來。亦未可定。至達

瓦齊現在相助之人。惟阿睦爾撒納及噶爾藏

多爾濟二人。尚屬才能。其宰桑中如圖魯虎雖

曾經戰陣。業已年邁。鄂勒錐巴哈曼集。俱未諳

練。又有袞布。聞已為訥默庫濟爾噶爾所殺。再

策凌等親屬中。尚有策凌烏巴什之姪訥默庫

所屬一千戶。其近族台吉有額爾德尼巴圖博

羅特剛多爾濟三人。所屬約有千戶。倘得便亦

必前來投誠。至問以達瓦齊與訥默庫濟爾噶

爾強弱勝敗之處。據稱訥默庫濟爾噶爾之兵

較達瓦齊為強。如達瓦齊兵敗。自必投順。

天朝并詢問現在策凌等俱未出痘。不便即令入京。

或將伊台吉宰桑內。選派三四人於十二月初

平定准噶爾略正編卷一

古

一日。自軍營由驛起程。其策凌等所報滿洲蒙

古漢人一百名。及進獻馬匹。應如何辦理。再副

將軍貝勒策登扎卜率部衆一千名。情願効力。

應否支給一月錢糧。候旨遵行。臣等伏思策凌

等輸誠向化。甚為恭順。自應加意撫納。並申飭

各卡倫小心防範。其酌辦伊等來京之處。或將

曾經出痘者。傳至軍營伺候。所進馬匹。俟來春

聞。

解交上駟院。再策凌等所云倘有追兵。或係噶爾藏多爾濟。雖未足為憑。亦當先事預防。其策登扎卜呈請効力兵一千名。既在烏里雅蘇台預備策應。似為有益。應酌量給與一月錢糧米石。奏入報。

定邊左副將軍成衮扎布奏報準噶爾宰桑瑪

平定準噶爾方略正編卷二

五

木特來追策凌闖入卡倫。

成衮扎布奏言達青阿等報十一月二十六日

貝子車木楚克扎布文稱準噶爾宰桑瑪木特

帶兵二百來追策凌。當經巴顏珠爾克卡倫侍

衛布雲布等。前赴博爾濟河與瑪木特相遇。令

其於塔布圖外暫候。俟報知軍營候示。而瑪木

特急期追獲。卽行進卡。又於本日車木楚克扎

布報稱據卡倫護軍伊靈阿等從瞭望處見烏

梁海十餘人告稱我台吉噶爾藏多爾濟率兵

二千在博托和尼暫歇。卽來追策凌。後有阿睦

爾撒納率兵三千。亦二三日內可到。且望見博

托和尼西北山麓多有火光。恐分途並進。均未

可定。祈速為發兵應援。臣等卽劄行達青阿與

貝勒策登扎卜。公格勒克巴木丕勒等領兵前

平定準噶爾方略正編卷二

六

往庫克嶺等處會合車木楚克扎布密告策凌

等遷移游牧。果有追兵相機戰守。以逸待勞。自

可無虞。惟是軍營馬匹最要。臣等謹遵前降

諭旨。由官購馬駝內酌撥馬六千匹。駝三千隻。預備

應用。奏入。

上諭軍機大臣曰。據成衮扎布奏稱準噶爾宰桑瑪

木特來追策凌。既經阻止。復強入我卡倫。其後噶

爾藏多爾濟等又有來追之信。已就近調遣預備兵丁。先以理曉示。再為相機辦理等語。所辦尚合機宜。但準噶爾人等若遵行和好。應在卡倫外聲明緣由。靜候處置。乃我卡倫人等阻止。瑪木特並不遵行。直入內地。是太輕視我兵。如入無人之境矣。不惟國家大體攸關。亦眾喀爾喀部落聲名所係。理應相機擒剿。又何必以和好為言。夫卡倫乃

平定準噶爾方略正編卷一

七

邊陲定界。彼此不可相踰。今瑪木特既直入無懼。倘仍聽其自行回巢。則將來準夷得志。必至漸生覬覦。出入無忌。近日準夷內亂。堂堂天朝。固不肯乘覺發兵攻取。若窮蹙來降之人。朕為共主。豈忍不容留養育。使策凌等在卡倫外。為瑪木特追及。尚可不必往援。今已入卡倫。而瑪木特冒昧恃強。儼然挑釁。豈可輕縱。成衮扎布等既經派兵策應。

伊等或知歛跡。尚可徐觀動靜。倘恣肆妄行。自當以逸待勞。盡為剿絕。且瑪木特帶兵二百。直入之時。若果即為擒獲。羈候。則續來之人。自不敢逞。此時作何辦理。速行具奏。侍郎玉保頗悉準夷情事。著在叅贊大臣上。會同將軍等相機酌辦。前鋒統領努三。散秩大臣薩喇爾。並著在叅贊大臣上行。走速行前往協同辦理。隨

平定準噶爾方略正編卷一

六

命尚書舒赫德前赴鄂爾昆軍營。辦理事務。並揀選索倫烏拉齊侍衛章京拜唐阿兵丁等二十人。隨同差遣。各賞棉甲一領。並整裝銀兩有差。已丑

上諭軍機大臣曰。準噶爾瑪木特以二百人闖入卡倫。甚有輕視我兵之意。若不加以懲創。將來噶爾藏多爾濟阿睦爾撒納。必愈加恣肆。如入無人之

境是邊界駐劄兵丁徒有虛名何以保護喀爾喀耶。在守卡兵丁僅二三十名豈能以理曉諭阻止二百之衆成袞扎布達青阿等卽應派兵擒剿何以姑息玩愒至此。可將現在如何辦理之處速行具奏。將來瑪木特卽束手就擒告求歸順亦非策凌等可比。仍應看守請旨。或伊自度兵力微弱逸

出卡倫亦必盡爲搜捕不得寬縱。至噶爾藏多爾

平定準噶爾方略正編卷一

九

濟等。倘或繼來諒成袞扎布等自必預爲籌備。看此情形事已不可中止。非應虛言和好之時。我卡倫游牧必須速移內地。使賊毫無所犯。其新來歸降之人一切安撫事宜更爲切要。可傳諭成袞扎布等知之。

庚寅。

上諭軍機大臣曰。瑪木特來追策凌闖入卡倫。卡倫

官兵雖少。但成袞扎布已遣貝子車木楚克扎布。公米什克領兵駐於巴顏珠爾克等處。防禦追兵。若遇瑪木特等何難擒剿。又成袞扎布奏稱達青阿與策登扎卜已領兵前往庫克嶺等處相機戰守。果否親往及與瑪木特相遇如何辦理之處。可傳諭伊等速行奏聞。

壬辰。

平定準噶爾方略正編卷一

十

定邊左副將軍成袞扎布奏報瑪木特逸出卡倫。

成袞扎布奏言達青阿報據卡倫侍衛等文稱準噶爾宰桑瑪木特追逐策凌等自進卡以來並不敢深入內地。晝夜藏匿旋卽陸續出卡潛回游牧。當卽派章京兵丁等前往瞭望尋踪。伊等或全行回巢或逃往別處現在確查至所稱

噶爾藏多爾濟等領兵前來是否虛實亦派賢能台吉官兵探明申報臣等仍飭達青阿於各汛防地方用心防範堵截以備不虞奏入。

上諭軍機大臣曰成袞扎布等奏稱瑪木特闖入卡倫近又畏我有備潛行逸出等語前據達青阿等因防範追兵已派貝子車木楚克扎布公米什克帶兵三百名往巴顏珠爾克博托和尼溝中間堵截續經成袞扎布派格勒克巴木丕勒兵一千名前往策應又就近派兵一千名協助是現在兵力不為不多瑪木特如此任意出入既未曾擒剿於前又不能追逐於後視同烏有殊為駭異達青阿現駐卡倫近地何不相機辦理夫卡倫如門戶然豈容闖入今瑪木特又經回巢聽其出入不加懲創可乎此時準夷內亂之秋尚如此恣肆數載後

平定邊疆方略正編卷一

圭

或養精蓄銳侵犯卡倫其何以保我喀爾喀耶達青阿等既曾領兵防範即著迅速前往或以計取或以力攻若不能擒獲瑪木特伊尚何顏復返其駐防烏里雅蘇台著烏爾登前往至成袞扎布於瑪木特出入之際並未籌及擒剿方略然則將軍職掌但須查取信息據文奏報已乎著嚴行申飭今命尚書舒赫德前往軍營一應機宜與伊等商酌辦理

平定邊疆方略正編卷一

圭

已亥。恩免哈密回民賽巴什達里雅田租。上諭軍機大臣曰從前哈密賽巴什達里雅屯田給令該處回子耕種所收穀石以四分交官六分給與回子今聞伊等生計稍艱著加恩將每年耕種所獲穀石不必交官全行賞給。

庚子。

命傳諭陝甘總督永常預籌夷使事宜。

上諭軍機大臣曰。永常奏稱準夷貿易之期將屆。請

仍舊暫為官辦。照例動帑預備等語。看來可不必

先期預備。此時達瓦齊與訥默庫濟爾噶爾彼此

構兵。應無暇計及貿易。但夷人有利必趨。或仍循

往例。遣使前來哈密亦未可定。可傳諭永常令其

平定準噶爾方略正編卷一

三

即行却回。并曉以從前加恩噶爾丹策零是以准

其按年貿易。嗣策妄多爾濟那木扎爾暨喇嘛達

爾扎乃噶爾丹策零之子。今達瓦齊非其族類。且

由弑奪而得。又並未遣使請安。何得仍循往例。况

近日瑪木特前來北路。闖入卡倫。繼復畏懼逃回。

現在遣人前往究問。若達瓦齊知犯界非理。縛獻

自贖。並遣使奏明。或可仍准貿易。此時不當遽許。

如來使不肯即回。宛轉求請。即應剴切曉諭。俾知

恩不可以倖邀。倘在邊生事。即與賊人犯境無異。

自當相機擒捕。不得聽其猖獗。著傳諭永常妥協

辦理。務合機宜。

乙巳。

訓諭安西提督王進泰

上諭軍機大臣曰。王進泰奏哈密毗連夷壤。北路既

平定準噶爾方略正編卷一

四

有準夷大隊來降。倘再有向西路來降夷人。或準

夷追逐抵我卡倫。均未可定。現在密飭各卡弁兵

嚴加防範。如遇大隊逃夷。即阻留卡外。詳辨真偽。

倘有追兵。自當宣諭我皇上施恩和好。不便收留

之處。明白曉諭。聽其自便。若無人追逐。查詢屬實。

務須安置僻處。拘其器械馬匹等語。此奏所見甚

小。撫馭外夷之道。全在隨時籌酌。相機辦理。從前

策妄多爾濟那木扎爾及喇嘛達爾扎皆噶爾丹

策零之子。是以准其遣使入覲。今彼中紛爭構釁。

皆篡弑之人。達瓦齊又非其族類。何屑以和好為

言其所屬夷人。避亂投誠。乃窮蹙來歸。自當收留

安置。何必阻諸卡外。絕其內附之心。如或引兵來

追。即當守我卡倫。無令闖入。至所請投降人等拘

其器械馬匹。此向來緣旗小見飾詞。既許其內屬。

自不當示以猜疑。使之駭懼。看來王進泰不過小

心謹慎之人。於邊務機宜未能仔肩重任。已傳諭

永常於明年夏秋間親往安西節制調度。現在瑪

木特闖入北路卡倫。不得不遣人究問。已命舒赫

德等前往軍營相機辦理。所有先後情節。王進泰

未能稔知。著將北路軍營奏摺并所降諭旨。一併

錄示王進泰知之。

平定邊疆方略正編卷二

五

戊申。

定邊左副將軍成袞扎布覆奏籌辦擒剿瑪木

特事宜。

成袞扎布奏言。臣等奉到十二月十二日

諭旨。即嚴飭叅贊大臣達青阿。由現駐烏里雅蘇台

三千兵丁內挑選一千名。同車木楚克扎布米

什克帶領。相機擒剿瑪木特。臣等與副將軍格

勒克巴木丕勒叅贊貝勒額林沁等領兵一千

策應。但時值隆冬。前往阿爾台等處馬力必須

充足。請於官備馬六千匹。駝三千隻內。選馬二

千匹。駝一千隻。送至烏里雅蘇台接濟。再駐防

兵丁。向有錢糧。其策應之兵。請酌量撥給兩月

錢糧。俟選撥齊全。即令起程前往。奏入報

聞。

平定邊疆方略正編卷二

五

庚戌。

侍郎玉保奏報策凌等言語情形。

玉保奏言。臣於十二月初十日。由塔米爾起程。

十七日至察罕廋爾扎卜堪。遣人傳知來降台。

吉策凌策凌烏巴什及宰桑等齊集。策凌等各

率所部於十里外迎接。恭請

聖主萬安。臣等將十一月二十三日所奉

平定準噶爾方略正編卷之一

七

諭旨宣示。隨以

恩賜策凌等冠服傳

旨賞給。並告伊等云。我到來後。蒙

聖主恩諭。爾等未經出痘者。不必入京。令將軍等曉

示。想已知悉。策凌等跪泣云。噶爾丹策零時我

等卽思歸順

大皇帝。其時法令頗嚴。人心未變。今達瓦齊等搆兵

無已。俱來調遣。不得安生。是以歸命

大皇帝。久思瞻仰

天顏。旋蒙將軍等傳奉

諭旨。以口內炎熱。我等未經出痘者多。若傷一僕從。

聖心亦為不忍。誠不勝欽感。今酌派曾經出痘宰桑

和通巴顏克什克及策凌烏巴什宰桑哈錫塔

策凌孟克宰桑巴圖等十人。預備瞻仰

平定準噶爾方略正編卷之一

天

大皇帝天顏。我等螻蟻微生。毫無補報。荷蒙

恩賜衣帽。頂戴無極。但未得瞻仰

大皇帝。心實不安。懇祈代奏。於明年

聖駕巡幸熱河時。俾得遂瞻仰之願等語。臣因傳

諭。以明年入覲

行在。必加爵賞。策凌等合掌叩首。並詢知策凌年五

十六歲。策凌烏巴什年二十五歲。又有族叔策